

# INUIT ATAQATIGIIT

## INATSISARTUNI



Nuuk, 17. januar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.

(Inatsisartuni ilaasortaq Aqqaluaq B. Egede, Inuit Ataqtigiit)

### Apeqqutit:

1. Naalakkersuisut Siulittaasuata Aalisarnermut Nunalerinermullu Naalak-kersuisup tunuarneranut atatillugu tusagassiortunik katersortitsiner-mi oqaatigaa, politikikkut siunnersortimik atorfinitsitsiniarneq ilisimasimana-gu. Massakkullu Aalisarnermut Nunalerinermullu Naalakkersuisup tusagas-siorfinnut nalunaarummini oqaatigaa Aleqa Hammond ilisimatissimallugu inooqatigisaata atorfinitsinnissaa pillugu. Taamaaliorsimangikkunilu sia-niilliornerusimassagalugartoq. Tamanna Naalakkersuisut Siulittaasuata ilu-moornerarsinnaavaa?
2. Aalisarnermut Naalakkersuisuusimasooq imaluunniit Naalakkersuisut Siulit-taasuata akornanni kina eqqortumik oqaaseqarpa?
3. Naalakkersuisut Siulittaasuata inuiaqatigiit naalakkersuinikkut ingerlatsi-nermut tatiginniinnarnissaat anguniarlugu qanoq sunillu suliniuteqarniarpa?
4. Naalakkersuisut Siulittaasuata inuiaqatigiinnut eqqunngitsumik nalunaaru-teqarnini utoqqatsernermik malitseqartinniarpa? Imaluunniit naqqiissu-mik nalunaaruteqarniarpa?
5. Aalisarnermik Naalakkersuisup tunuarnermini tunngaviusutut oqaatigisai, Naalakkersuisut Siulittaasuatalu oqarneratuut imaappa Aalisarnermut Naa-lakkersuisuusimasup suut tamaasa pisuussutigalugit tunuortoq?
6. Naalakkersuisut Siutittaasuata atorfinitsitsiner-mut tunngatillugu ilisimasa-qanngiivissimasutut oqarnera ilumoorpa?

### Tunngavilersuut:

Naalakkersuisut Siulittaasuata tusagassiorfitsigut oqaatigisaa, aamma Aalisarnermut Naa-lakkersuisuusimasup oqaatigisai imminnut naapertuutinnginnerat tunngavigalugu apeqqu-teqarnissara pisariaqalersimavoq. Inuiaqatigiit naalakkersuinikkut ingerlatsinerliortoqar-tillugu eqqortumik paasitinnegartarnissaat pingaaruteqarmat.

Tamanna pisumi matumani suli eqqortussamik timitaliisoqanngimmat Naalakkersuisut apeq-quteqarfigaakka. Neriullunga kiisami eqqortumik inuiaqatigiit nassuiaanneqarnissaat akisus-saaffigineqassasoq. Akissuteqarnissassinut qilanaarlunga kissaatigaara ullut qulit qaan-giutsinnagit akineqarnissara.